



## **BASES REGULADORAS PARA A CONVOCATORIA DE AXUDAS PARA O TRANSPORTE DE ALUMNAS/OS DO CONCELLO DE CERVO QUE CURSARON ESTUDOS FORA DO TERMO MUNICIPAL NO CURSO 2024-2025**

O Concello de Cervo, no exercicio das competencias recoñecidas no artigo 25.2.e) da Lei 7/1985, de 2 de abril, Reguladora das Bases do Réxime Local, relativas aos servizos sociais e á promoción social, e ao abeiro do artigo 28 da mesma lei, que permite a realización de actividades complementarias en materia de educación, establece a presente convocatoria de axudas.

Estas axudas teñen carácter social e teñen como finalidade apoiar ás familias con menores que cursan estudos fóra do termo municipal, cando non exista oferta educativa local. O seu obxectivo é compensar parcialmente os gastos derivados do desprazamento e contribuír á igualdade de oportunidades e á cohesión social, sen prexuízo das competencias propias da Comunidade Autónoma en materia de educación.

### **1. OBXECTO E FINALIDADE DAS AXUDAS**

O obxecto desta convocatoria é establecer un sistema de axudas sociais destinadas ás familias do municipio con fillas/os que cursen estudos fóra do termo municipal en centros sostidos con fondos públicos, nos supostos en que tales ensinanzas non se impartan no Concello de Cervo. A finalidade das axudas é apoiar ás familias en situación de necesidade ou vulnerabilidade económica, contribuíndo a paliar os gastos de transporte derivados da escolarización obrigatoria ou postobrigatoria, en exercicio das competencias municipais en servizos sociais (art. 25.2.e LRBRL) e actividades complementarias en materia educativa (art. 28 LRBRL). Estas axudas teñen natureza estritamente social e non constitúen unha prestación en materia de educación, competencia atribuída á Comunidade Autónoma.

Polo tanto, o obxecto destas bases é a concesión de axudas en concorrencia competitiva a familias para sufragar parcialmente o custe do traslado dos/as estudantes que cursen, fora do termo municipal e en centros de ensino sostidos con fondos públicos, algún dos estudos que non se imparten no Concello de Cervo:

- Ensinanzas universitarias adaptadas ao Espazo Europeo de Educación Superior conducentes a títulos oficiais de Grao e ensinanzas universitarias conducentes a títulos de Licenciados ou Diplomados.
- Ciclos medio e superior de Formación Profesional e bacharelato que non se impartan no termo municipal.
- Estudos musicais impartidos en conservatorios e escolas de música

Quedan excluídas desta convocatoria de axudas, as ensinanzas de réxime especial (ensinanzas de idiomas, artísticas ou deportivas), coa excepción dos estudos musicais indicados anteriormente.

No caso de que un/unha alumna/o curse máis de unha ensinanza das enumeradas, só se concederá unha axuda por persoa.

### **2. BENEFICIARIAS/OS**

As axudas poderán ser solicitadas polas familias das/os alumnas/os (ou as/os propias/os alumnas/os se son maiores de idade) que reúnan os seguintes requisitos:

- a. Toda a unidade familiar deberá estar empadroada no Concello de Cervo .
- b. Estar cursando ou ter fillas/os cursando algún dos estudos indicados no punto 1 de estas bases nalgún centro educativo sostido con fondos públicos, no curso 2024-2025 e terse presentando, polo menos, ao 50% das materias correspondentes á matrícula do citado curso.





- c. Non superar os ingresos económicos fixados no baremo destas bases (expresado no punto 3º referente aos criterios de valoración).
- d. Non ser, ningún membro da unidade familiar, debedor/a da Facenda Municipal, Autonómica e Estatal, así como da Seguridade Social.
- e. Non ter pendente de xustificación ningunha subvención concedida polo Concello de Cervo.
- f. O/A alumno/a para o que se solicita a axuda deberá ser menor de 30 anos.
- g. Non estar incurso nas prohibicións para obter a condición de beneficiario, recollidas no artigo 10 da Lei 9/2007, de 13 de xuño de subvencións de Galicia e no artigo 13 da Lei 38/2003, de 17 de novembro, Xeral de Subvencións.

As/os beneficiarias/os terán as seguintes obrigas ante o Concello de Cervo:

- a. Cumprir a actividade obxecto da subvención, é dicir, realizar o gasto en transporte escolar para os cursos nos que se acredite a matriculación.
- b. Someterse ás actuacións de control realizadas por parte do Concello para comprobar a veracidade dos datos reflectidos na documentación presentada, así como o cumprimento dos requisitos para a percepción da axuda e colaborar co Concello nas ditas actuacións.
- c. Comunicar ó Concello calquera modificación nas circunstancias esixidas para a concesión da axuda.

### 3. CRITERIOS DE VALORACIÓN

Para proceder á adxudicación das axudas aplicarase o seguinte baremo:

- Renda per cápita familiar igual ou inferior ao 150 % do IPREM (Indicador Público de Renda de Efectos Múltiples): subvencionarase con 250€ para cada alumno/a beneficiario/a.
- Renda per cápita familiar igual ou inferior ao 200 % do IPREM (Indicador Público de Renda de Efectos Múltiples): subvencionarase con 150€ para cada alumno/a beneficiario/a.

A contía anual do IPREM para o ano 2025 é de 7.200,00 € segundo a Lei 04/2023, de 29 de decembro, de Orzamentos Xerais do Estado para o ano 2024, prorrogado para o 2025.

No suposto de que unha vez efectuada a avaliación das solicitudes se supere o límite máximo da subvención (12.000€), procederase a retirar aquelas solicitudes cuxas rendas sexan máis elevadas, ata o límite do crédito máximo establecido.

#### RENDA PER CÁPITA FAMILIAR E DETERMINACIÓN DA UNIDADE FAMILIAR

Enténdese por renda per cápita familiar a suma das rendas familiares dividida entre o número de membros da unidade familiar computables que obteñan ingresos de calquera natureza, de conformidade coa normativa reguladora do imposto da renda das persoas físicas.

Nesta convocatoria teranse en conta os ingresos do exercicio 2024 para os efectos de determinar a renda per cápita familiar dos solicitantes.

Para os efectos do cálculo da renda per cápita, terán a consideración de membros computables da unidade familiar:

- a) As persoas proxenitoras non separadas legalmente nin divorciadas ou, de ser o caso, as persoas titoras do alumnado.
- b) Os/as fillos/as menores de idade, con excepción dos emancipados. Terán a mesma consideración que os/as fillos/as as persoas en situación de tutela ou acollemento familiar ou preadoptivo legalmente constituído.





c) Os/as fillos/as maiores de idade, discapacitados cando teñan modificada xudicialmente a súa capacidade xurídica mediante a constitución de curatela representativa ou cando estean suxeitos a patria potestade prorrogada ou rehabilitada mentres non se produza a revisión desta medida.

d) Os/as fillos/as solteiros menores de 25 anos e que convivan no domicilio familiar.

e) As persoas proxenitoras separadas legalmente ou divorciadas con custodia compartida forman unha unidade familiar cos fillos que teñen en común.

f) A persoa que, por novo matrimonio, en situación de unión de feito ou en situación de afectividade análoga ás anteriores con convivencia, resida no domicilio familiar coa persoa proxenitora do/a alumno/a, agás nos casos de custodia compartida.

Cando non exista vínculo matrimonial, a unidade familiar entenderase constituída polo pai, a nai e todos os descendentes que convivan con eles e que reúnan os requisitos do punto anterior.

Computaranse por dous os membros da unidade familiar cunha discapacidade igual ou superior ao 33% ou os que estean valorados como dependentes en calquera dos graos establecidos segundo a Lei 39/2006, de 14 de decembro, de Promoción da autonomía persoal e atención a persoas en situación de dependencia.

Non terá a consideración de membro computable:

a) A persoa proxenitora que non conviva co alumnado nos casos de separación legal ou divorcio, agás no caso de custodia compartida.

b) A persoa agresora nos casos de violencia de xénero.

En todo caso, terase en conta a situación persoal e a composición da unidade familiar en 31 de decembro de 2024, agás cando unha sentenza de separación ou divorcio posterior a esa data atribúa a custodia exclusiva a unha das persoas proxenitoras, nos casos de violencia de xénero, en que se aplicará o disposto na lexislación específica, e nos casos de falecemento dalgunha das persoas proxenitoras.

No caso de que o/a solicitante alegue emancipación ou independencia familiar, calquera que sexa o seu estado civil, deberá acreditar de xeito fiable, que conta cos medios económicos propios suficientes que permita dita independencia, así como a titularidade ou aluguer da súa vivenda habitual. Neste caso considéranse membros computables o/a solicitante e a súa parella, rexistrada ou non, e os fillos se os houbera que convivan no mesmo domicilio.

No caso contrario, enténdese non probada a independencia, polo que se terán en conta os ingresos e os requisitos dos membros computables do resto da unidade familiar, atendendo ao estipulado nos apartados anteriores.

En casos especiais, nos que a unidade familiar non estea conformada do xeito establecido nestes puntos, a Comisión Avaliadora poderá requirirle á persoa solicitante a achega da documentación xustificativa que se considere oportuna en cada caso.





## 4. CRÉDITO ORZAMENTARIO E CONTÍA DAS AXUDAS

As axudas reguladas nestas bases financiaranse con cargo á aplicación orzamentaria 232/489.01 "Promoción social. Desarrollo transporte estudiantil", cun crédito máximo para esta convocatoria de 12.000 €.

A contía máxima das axudas por estudante quedará fixada de acordo co seguinte baremo, sempre e cando se xustifique o gasto realizado e dentro dos límites do crédito dispoñible:

| Renda per cápita familiar           |                        | Contía da axuda |
|-------------------------------------|------------------------|-----------------|
| Igual ou inferior ao 150 % do IPREM | Ata 10.800,00 € anuais | 250 €           |
| Igual ou inferior ao 200 % do IPREM | Ata 14.400,00 € anuais | 150 €           |

## 5. SOLICITUDE E DOCUMENTACIÓN NECESARIA

As solicitudes presentaranse mediante instancia subscrita pola persoa interesada (pai/nai/titor legal ou alumna/o maior de idade) segundo o modelo oficial. A presentación da dita solicitude comportará a autorización ao órgano xestor para a comprobación dos datos que constan na mesma ante os organismos ou entidades correspondentes, AEAT, ATRIGA e Seguridade Social.

Cada solicitude deberá ir acompañada da seguinte documentación:

- 1) Fotocopia do DNI de todos os membros da unidade familiar maiores de idade.
- 2) Fotocopia do libro de familia.
- 3) Autorización, de todos os membros computables da unidade familiar, para obter das distintas administracións públicas competentes a información necesaria para a tramitación do expediente.
- 4) Nos casos de discapacidade ou dependencia dalgún dos membros da unidade familiar computables, certificado emitido polo organismo oficial correspondente.
- 5) Documentación para a xustificación do cobro da axuda:

Para as/os alumnas/os universitarios:

- a) Fotocopia de matrícula do curso 2024/2025 cotexada co seu orixinal.
- b) Extracto do expediente universitario ou certificación do centro académico de terse presentado alo menos ó 50% das materias correspondentes á matrícula no curso 2024/2025.

Para as/os alumnas/os de bacharelato ou formación profesional:

- a) Copia cotexada do boletín de cualificacións ou certificación expedida polo centro educativo de terse presentado alo menos ó 50% das materias correspondentes á matrícula no curso 2024/2025.

## 6. LUGAR E PRAZO DE PRESENTACIÓN DE SOLICITUDES

As solicitudes e a documentación requirida presentaranse no Rexistro Xeral do Concello de Cervo, Praza do Concello s/n, Cervo ou por calquera das formas previstas no artigo 16.4 da Lei





39/2015 de 1 de outubro do Procedemento Administrativo Común das Administracións Públicas.

O prazo de presentación de solicitudes será de 15 días dende a publicación do extracto da convocatoria no Boletín Oficial da Provincia.

## 7. PUBLICIDADE

O extracto desta convocatoria publicarase no Boletín Oficial da Provincia e na Base Nacional de Subvencións.

As bases reguladoras da convocatoria publicaranse no taboleiro de anuncios da sede electrónica do Concello de Cervo (<https://cervo.sedelectronica.es>), e estarán a disposición dos interesados no Rexistro Xeral do Concello de Cervo, Praza do Concello s/n, Cervo.

## 8. PROCEDEMENTO

### a. INSTRUCCIÓN E ÓRGANO INSTRUTOR

O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos cales se base a proposta de resolución, será o Departamento de Emprego e Desenvolvemento Local. O órgano instrutor, á vista do expediente e do informe da Comisión Avaliadora formulará a proposta de resolución provisional, na que expresará o cumprimento dos requisitos e a relación nominal dos/as solicitantes para a concesión das axudas.

Se na instrución fosen tidos en conta outros feitos ou datos distintos dos achegados polos/as interesados/as ou se non se achega toda a documentación requirida para solicitar estas axudas, notificaráselle a estes a proposta de resolución, concedéndolles un prazo de dez días para que presenten as alegacións que estimen pertinentes e/ou a documentación requirida. Á vista das alegacións e/ou documentación presentadas, o órgano instrutor formulará a proposta de resolución definitiva.

De non presentarse alegacións, ou no caso de que este trámite non fose necesario segundo o parágrafo anterior, a proposta de resolución provisional terá automaticamente o carácter de proposta de resolución definitiva.

### b. COMISIÓN AVALIADORA

A Comisión Avaliadora estará composta polo concelleiro delegado de Innovación e Emprendemento, a concelleira delegada de Medio Ambiente, así como do concelleiro delegado de Deportes.

A Comisión Avaliadora elevará a proposta de concesión á alcaldesa a través do órgano instrutor na que se concretará individualmente para cada beneficiario/a o resultado da avaliación realizada.

### c. RESOLUCIÓN

O órgano competente para a concesión das axudas será a Alcaldía, previo informe da Intervención municipal.

O acordo de concesión ou denegación será motivado, quedando constancia no expediente dos fundamentos da resolución que se adopte. As axudas concedidas notificaranse individualmente no prazo máximo de tres meses e en todo caso antes do 15 de decembro de 2025, a contar





dende a finalización do prazo de presentación de solicitudes, e publicaranse no taboleiro de anuncios do Concello.

A modificación de calquera das circunstancias que se tiveran en conta para a concesión das mesmas, que deberá ser posta en coñecemento do Concello, poderá dar lugar á modificación da resolución.

## **9. XUSTIFICACIÓN E PAGAMENTO**

A xustificación destas axudas entenderase realizada coa presentación da documentación esixida segundo o punto 5 desta convocatoria, polo que a aprobación da concesión das axudas levará implícita a aprobación da súa xustificación. A intervención municipal fiscalizará a documentación de matrícula e asistencia antes de recoñecer a obriga para cumprir co artigo 28 e 30 da lai 38/2003.

O aboamento da subvención realizarase, preferentemente, mediante cheque bancario emitido a nome da persoa beneficiaria.

A alcaldesa  
María Dolores García Caramés.

*Documento asinado electronicamente á marxe*

